



## Кўп қиррали ҳамкорликни янада кенгайтириш муҳимлиги қайд этилди

Ўзбекистон Республикаси Президенти Шавкат Мирзиёев 17 август куни расмий ташриф билан мамлакатимизда бўлиб турган Қозоғистон Республикаси Бош вазирининг ўринбосари — ташқи ишлар вазири Мурат Нуртлеуни қабул қилди.



Ўзбекистон билан Қозоғистон ўртасидаги дўстлик, стратегик шериклик ва иттифоқчилик муносабатларини янада мустаҳкамлаш, янги амалий мазмун билан бойитиш масалалари кўриб чиқилди.

Суҳбат аввалида ташқи ишлар вазири Мурат Нуртлеу давлатимиз раҳбарига Қозоғистон Республикаси Президенти Қосим-Жомарт Тоқаевнинг саломи ва энг эзгу тилақларини етказди.

Ўзбекистон етакчиси кейинги йилларда икки томонлама ҳамкорликда юксак даражага эришилгани, жумладан, парламентлар, ҳукуматлар, ҳудудий маъмуриятлар, жамоатчилик ва тадбиркорлар даражасида сермахсул мулоқотлар амалга оширилаётганини катта мамнуният билан қайд этди.

Қўшма Ҳукуматлараро комиссия ва Ишчи гуруҳ самарали фаолият юритмоқда. Товар айирбошлаш ҳажми кўпайиб, икки мамлакат етакчи корхоналари ўртасидаги кооперация кўлами кенгаймоқда. Маданий-гуманитар тадбирлар мунтазам ўтказиб борилмоқда.

Учрашувда сиёсий мулоқотларни янада фаоллаштириш, иқтисодиётнинг стратегик тармоқларидаги лойиҳаларни жаддаллаштириш, гуманитар алмашинув дастурларини кенгайтириш ҳамда Марказий Осиё минтақасида яхши кўшничилик ва шерикликни мустаҳкамлаш чораларини кўришга алоҳида эътибор қаратилди.

ЎЗА

## Ўзбекистон Республикаси Президентининг ФАРМОЙИШИ

### “ФАОЛ ТАДБИРКОР” КЎКРАК НИШОНИ БИЛАН ТАҚДИРЛАШ ТЎҒРИСИДА

Миллий иқтисодиётимизни барқарор юксалтириш, юртимизда ишбилармонлик муҳитини янада яхшилаш, тадбиркорлик ривожини янги босқичга кўтариш, мамлакатимизнинг ишлаб чиқариш ва экспорт салоҳиятини ошириш борасидаги катта хизматлари, соҳага инновацион технологияларни жорий этиш, иш ўринлари яратиш, аҳоли фаровонлигини таъминлашга қўшган муносиб ҳиссаси, шунингдек, бизнесда эришаётган амалий натижалари ҳамда ижтимоий ҳаётдаги фаол иштироки учун қуйидагилар “Фаол тадбиркор” кўкрак нишони билан тақдирлансин:

**Жаксуликов Шарияр Аллияр ули** — Нукус шаҳридаги “Data Biznes Control” масъулияти чекланган жамияти раҳбари, Қорақалпоғистон Республикаси

**Келимбетов Бердимурат Абдимуратович** — Нукус шаҳридаги “Nukus Windows Profil” масъулияти чекланган жамияти раҳбари, Қорақалпоғистон Республикаси

**Рахметов Серикбай Халбаевич** — Эллиқалъа туманидаги “Agro Eksim Gold” масъулияти чекланган жамияти таъсисчиси, Қорақалпоғистон Республикаси

**Сатуллаева Венера Айтаниязовна** — Чимбой туманидаги “Сатуллаева Венера” масъулияти чекланган жамияти раҳбари, Қорақалпоғистон Республикаси

**Хасанов Ахмет Тажибаевич** — Тахياتош туманидаги “Gold Sandwich” масъулияти чекланган жамияти раҳбари, Қорақалпоғистон Республикаси

**Юсупова Тамара Рахимбаевна** — Амударё туманидаги “Tamara Textile” масъулияти чекланган жамияти директори, Қорақалпоғистон Республикаси

**Арипов Бахтиёр Мухамедович** — Андижон туманидаги “Valley Fish” масъулияти чекланган жамияти таъсисчиси, Андижон вилояти

**Джораева Матлуба Мухтаровна** — Хўжабод туманидаги “Oxideya Textile” масъулияти чекланган жамияти таъсисчиси, Андижон вилояти

**Комолов Рустамжон Ақромович** — Жалақудуқ туманидаги “Great Rich” масъулияти чекланган жамияти таъсисчиси, Андижон вилояти

**Садиқов Бобирбек Авазбекович** — Андижон шаҳридаги “Windows and Doors Factory” масъулияти чекланган жамияти директори, Андижон вилояти

Давоми 2-бетда

### ТАҲЛИЛ

## БИРҲҲА ИККИ РЕЙТИНГДА КЎТАРИЛИШ

Яқинда Ўзбекистоннинг дунёдаги нуфузи билан боғлиқ биринчи тарқатган икки хушxabар ҳаммининг эътиборини тортди. БМТнинг Барқарор ривожланиш мақсадлари халқаро рейтингда мамлакатимиз 8 поғона кўтарилган бўлса, Open Data Inventory (ODIN)нинг очиқ маълумотлар кўрсаткичлари бўйича жаҳонда ўттинчи, Марказий Осиё давлатлари орасида биринчи ўринни эгаллади.

Янги Ўзбекистон учун ўтиб бораётган сўнгги олти йил тарихий аҳамиятга эга давр бўлгани рост. Кенг кўламли ислохотлар изчил давом эттирилиши баробарида юртимизнинг дунё давлатлари ва халқаро ташкилотлар билан ўзаро манфаатли алоқаларни мустаҳкамлаш борасидаги ишлар янада жаддалашди. Пировардида, жаҳон миқёсида мавқеи юксалиб, халқаро майдондаги оғури-эътибори янада ортмоқда.

БМТ Бош Ассамблеяси 2020 йил 14 декабрь куни “Барқарор ривожланиш мақсадларига (БРМ) эришишни жаддаллаштиришда парламентларнинг ролини кучайтириш тўғрисида”ги резолюцияни бир овоздан маъқуллади. Эътиборлиси, ушбу резолюцияни қабул қилиш таклифи Президентимиз томонидан 2020 йилда БМТ Бош Ассамблеясининг 75-сессиясида илгари сурилган эди.

Барқарор ривожланиш дейилганда айна пайтада умргузаронлик қилаётган инсонлар эҳтиёжини қондиришда келажак авлодга зарар етказмасдан тараққий этиш тушунилади. Бошқача айтганда, бу ҳозирги фаолият ва замонавий жамият эҳтиёжларини қондиришда келажак авлодларга зарар етказмайди, балки улар ўртасида мувозанатни топадиган тараққиётга эришишдир.

Барқарор ривожланиш мақсадларининг асосий гоёяси ҳеч кимни орта қолдирмаслик тамойилига асосланади. Унинг негизда Мингйиллик ривожланиш мақсадлари бўйича эришилган ютуқлар ётади ва қашшоқликнинг барча кўринишларига барҳам бериш бўйича саъй-ҳаракатларни давом эттиришга қаратилади.

Давоми 4-бетда

### ЯНГИ ҲАЁТ УЧУН, ЯНГИ ЎЗБЕКИСТОН УЧУН!

## ОЗОД КУНЛАР ШУКРОНАСИ



Шоиримиз Абдулла Орипов “Ватандан айри кўнгилни билингки, яйратиб бўлмас. Баайни банди булбулни чамансиз сайратиб бўлмас”, деган икки мисрасида Ватан ва унинг озодлиги замиридаги буюк қудратни гоёят юксак пафос билан таърифлаган. Шеърда яна бир мисра бор: Ватан, сен хур, йўлинг шонли, қадамни ташлагин шахдам. Бу айни кунларимиз руҳи ва шуқуҳига гоёят уйқашдир.

Буни оддий одамлар ҳаётидаги ўзгаришлар мисолида ҳам кўриш мумкин. Қуйида шундай юртдошларимизнинг ҳаётий фикрларини жамладик. Улар, таъкидлаганимиздек, оддий қишлоқ

одамлари. Содда ва самимий. Баландпарвоз гапларни ёқтирмайди. Жўн гапирди, лекин борини айтади. Бугун мустақиллигимизнинг ўттиз икки йиллик байрамига бағишланган

махсус саҳифада улардан айрим-айримнинг дилидаги гаплар билан танишишингиз мумкин.

Давоми 3-бетда

### БУГУННИНГ ГАПИ



## МАСОФАВИЙ БОЖХОНА НАЗОРАТИ ТИЗИМИ

Йўловчиларга қандай қулайлик яратади?

4

### ТАРАҚҚИЁТ ОДИМЛАРИ



## ИННОВАЦИОН ЁНДАШУВ

Ҳаёт сифатини юксалтиради

5

### САҲНАМИЗ ДАРФАЛАРИ

## МАННОН УЙҒУР яратган мактаб

Ўзбек миллий театр санъатидаги ўрни ҳар жиҳатдан эътирофга лойиқ

Журналистлар жамоаси ижодий ҳамкорлик, фикр алмашиш, баҳс-мунозара масаласига жиддий ёндашиб келади. Атоқли ўзбек театри арбоби, режиссёр, актёр, таржимон, драматург, педагог, миллий театр мактаби асосчиларидан бири, буюк санъаткорлар “Оға”си Маннон Уйғур ҳақида мақола тайёрлаётганимдан хабар топган бир ҳамкасбимиз маслаҳат солиб қолди:

— Тошкентда бир пайтлар энг узун кўчалардан бири Маннон Уйғур номи билан аталган. Билишимча, ҳозир номи ўзгарди, шекилли. Шунга ҳам аниқлик киритиб кетсангиз, яхши бўлар эди.

Давоми 6-бетда









